


Kusambira Za Mizimu Yiheni

Chigaŵa Chakuthupi

 Sono ine...?... [Pa tepi palije kalikose—Munozgi.] Iyi ndi nyengo yakudanga ine ndiri kuchitapo ichi mu maungano ghane ghalighose kufumira apo ine ndiri kukhalira ku malo ghauteŵeti. Iyi ndi nyengo yiphya. M'bale Baxter waruta; ndipo—ndipo M'bale Bosworth wali mu India, panji, Africa; ndipo M'bale Baxter, ine nkhumanya yayi uko iyo wali. Iyo waruta kumalo kunyake, ndipo ŵanyake wose ŵafumapo ndipo ŵaruta. Ndipo Billy na ine tiri kuno tekha, mwantheura ise tikuŵa waka na nyengo yiweme: kuwuka waka, kukoma na kurya. Ntheura, ise—ise tikuŵa ngati tikupulika ntheura ngati kuti panyake ise tingachita, mwa kovwirika na Fumu, ise tingamanya kupanga ungoro, taŵene. Ndicho chifukwa ine ndiri wakukondwa kuwona uwu ukurutirira pachoko, pa chifukwa chimoza chira. Ine nkhumanya Fumu yitivwirenge ise kuchita ichi. [Gulu likuti, “Amen.”—Munozgi.] Sono, imwe mukumanya kuli... .

Ine nkhumanya gulu lane la mabwana. Ine ndiri na ŵabale ŵanyake ŵakutemweka, Bosworth, Baxter, Lindsay, Moore, wose, liri na ŵankhonde ŵa iwo, Baron Von Blomberg. Iwo ndi ŵanthu waka ŵaweme chomene. Kweni pali waka chinyake za ichi, para iwe uli na gulu la ŵanarumi pamoza, yumoza wali na chinthu chimoza, yumoza wali na chinyake. Nyengo yinyake icho ntchakususkana na icho ine nkhumanya ndamwene. Ntheura ine—ine—ine nkhumanya kuti ine ndiri waka wakufwatuka sono. Ise tingamanya kuŵa waka na nyengo yiweme, kukwindira waka muchanya malaya ghithu, na kuseŵera waka na kurya. Ine nkhumanya za kupindiranga muchanya malaya ghinu na kuŵa na—nyengo yiweme.

Baibolo lane lakudanga likaŵa chilengedwe. Ine nkhumanya Chiuta kwizira mu chilengedwe. Ndipo ine nkhumanya kuŵeja somba. Umo ine nkhumanya kuŵeja somba! Ndipo iwe ukutemwa kuŵeja somba, munyamata wakutemweka? Usange iwe ukutemwa kuŵeja somba, ndipo ukutemwa amama ŵako, iwe uŵenge mnyamata muweme. Ndipo nanga ndi kuphenduka kwane kukafumiskamo vyose yayi mwa ine. Ntheura dazi limoza ine nkhaŵa muchanya mu mapiri, kukakora somba kutali. Sono, ichi ntchakumuchitira waka uweme mnyamata muchoko pera uyu. Ndipo ine nkhumanya somba muchanya mula mu mapiri... . Ndipo ku ŵana ŵanyake ŵachokoŵachoko, nkhumanya, mwakhala kufupi. Ndipo ine nkhumanya troiti. Ndipo, o, kukunozga mu nyengo ya kuphuka.

Ine nkhouruta kwenekula ngati nthaura, ndipo mukaŵa troti mu khululu lapanthazi waka, imwe mukumanya, ngati nthaura. Ndipo kuyirumbanga waka Fumu na kuŵa na nyengo yiweme, kuchemerezga. Nyengo zinyake, kuŵika mbeja yane pasi. Ine nkhuomezga mu kuchemerezga. Amen. Ine nkchuchita nadi. Chifukwa, ine nkhumanya chinyake chikunikora ine, ndipo ichi chikuchita waka chinyake kwa ine.

² Nthaura ine nkhaŵa kuti naruta kutaliko pachoko mlenji ula, ndipo para ine nkhati nawerako, chinthu chachilendo chomene: Muli nkhamira zinandi chomene mu charu kunena kula, mu New Hampshire. Ine ndiri na msasa uchoko kunena kula, uko ine nkhuŵeja somba. Ine nkhaŵa na hema lichoko lakale nkhaijinthika kula, hema lichoko lakugonamo ilo ine nkhalangamo. Ndipo nkhamira yifipa ndi chinthu chakusuzga chomene icho chiriko. Nthaura, nkhamira yilara yanakazi na twana tuchoko tuŵiri tukanjira mwenemula, ndipo utu tukasasura hema lane!

³ Sono, kasi imwe mukughanaghana kuti ine nthena nkchuchita vichi ku nkhamira yira, msungwana muchoko kumanyuma kula na sisi liswesi lira, kumanyuma kula? Ine nkhenere kuti nthena nkhamurondezga iyo, nkhenere yayi ine?

⁴ Kwani apa pali icho iyo wakachita. Iyo wakanjira, wakawiskira pasi hema lane ndipo wakaparanya chirichose, ndipo wakarya chakurya chane chose ine nkhaŵa nacho mula, ndipo iyo wakasekereranga waka. Nthaura para ine nkhati nafika, iyo wakaruta. Ndipo iyo wakachema ŵana ŵake, ndipo mwana yumoza muchoko wakachimbila pamoza na iyo. Ndipo munyake wakachimbira yayi; iyo wakakhala waka mwenemula. Wakalazgira msana wake kwa ine, ngati nthaura, ndipo iyo wakachitanga chinyake. Ndipo ine nkhaŵa na kalikose yayi mu woko lane kwani mbavi yakale yichoko ya chaka chifupi. Ine nakhala kudumula makuni ghanyake kusika kula. Enya, iyo wakachimbira kufika patali ngati apo, o, ine nkhusachizga pa khuni la telefoni kuwaro kula, ndipo iyo wakakhala pasi. Iyo wakachema ku nkhamira yichoko iyi, ndipo iyo yikaŵikako zeru yayi ku ichi. Iyo yikarutirira waka kukhala mwenemula.

⁵ Ine nkughanaghana, “Kasi kamwana kachoko kala kakuchitachi?” Ine nkchayenda kusenderera kufupi pachoko. Ine nkhaŵa na wofi kufika kufupi chomene, kuwopa kuti iyo wanganipara ine. Nthaura—nthaura ine—ine nkawona khuni lililose yayi, ndipo ine nkhamanya kuti wangamanya kukwera nayoso. Nthaura, ine nkakhumba yayi kufika kufupi chomene kwa iyo, chifukwa ine nkhumanya kaŵiro ka nkhamira. Nthaura, ine nkhasenderera waka kufupi pachoko. Ndipo imwe mukumanya icho chikachitika?

⁶ Sono, ine nkchutemwa vitumbuwa. Kasi mbalinga ŵa imwe ŵanyamata mukutemwa vitumbuwa? O, mnyamata! O,

kumuhanya, ise tizamkuwa na nyengo yikuru, ndipo—ndipo ise tingayowoya vinandi pachoko. Ndipo ise tiyowoyenge kwa dada na mama sono za chinthu chinyake.

¹² Ise tiyowoyenge pa *Kusambira Za Mizimu Yiheni*. Mu Masalmo 103:1 kufika 3, ise tikuwazga mavesi agha. Pafupifupi mupharazgi waliyose na mliska, panji muwazgi wa Baibolo, wakughamanya igho pa mtima.

Tumbika YEHOVA, O mzimu wane: na chose icho chiri mkati mwane, tumbika zina lake lituwa.

Tumbika YEHOVA, O mzimu wane, ndipo kuruwa yayi za vyakovwira vyake vyose:

Uyo wakugowokera vya uchikana marango wako wose; uyo wakuchizga za matenda ghako ghose;

¹³ Ine nkhukhumba kuti imwe muwonepo apo, ichi chikawa “vyose.” “Uyo wakugowokera vya uchikana marango wako wose, Uyo wakuchizga vya matenda ghako ghose.” Sono tiyeni ise tisindamiske mutu withu pa kanyengo waka.

¹⁴ Sono, Wadada Wakuchanya, ise tikumuwongani Imwe kumuhanya uwu, chifukwa cha kuwa pano. Ise tikumuwongani Imwe chifukwa cha wana wachoko wachoko awa awo wakhalala muno, iwo ndi wanalume wa namachero, na wanakazi, usange kuli namachero, usange Yesu waziwulika. Ndipo sono, Wadada, ise tikuromba kuti—kuti Imwe mutitumbikenge ise sono apo ise tikuyowoya sono pa Mazgu Ghinu, na za murwani mukuru uyo ise tiri nayo, Satana. Ise tikuromba, Chiuta, kuti Imwe mutizomerezgenge ise tidangizge panthazi, chinthu chikuru apa, nkhongono ya Chiuta, kuti yimikane nayo usiku uwu mu dera lirilose la malo ghake, Fumu, na kumuwoneska iyo kuti iyo walije wanangwa wakuzomerezgeka na dango, kuti Khristu wakamutheska iyo mu malo gha ise kula pa Mphinjika, para Iyo wakafwa, ndipo wakabwangandula maufumu ndipo wakamuphanga Satana chirichose—nkhongono yiriyose iyo waka wa nayo. Ndipo, Chiuta, mutipe ise vinjeru na kapulikiskiro sono, kuti timanye na kuti tirongosole ku wanthu umo iwo wangamanyira umo wangachizgikira na kumutheska Satana. Mu Zina la Yesu ise tikuromba. Amen.

¹⁵ Sono pa maminiti ghachoko ise tiyowoyenge pa *Kusambira Za Mizimu Yiheni*. Imwe mukupulika vinandi chomene za mademone. Sono, namachero kumuhanya ise panyake tizamkumalizga. Ne nakhumbanga mazuwa gha wiri gha sabata iyi, mulimose, kuti nipharazge pa ichi, mbwenu...panji mazuwa gha wiri ku visopo vya kumuhanya, kuti niyowoye pa ichi.

¹⁶ Sono, chinthu chakudanga, kasi demone ndi vichi. Imwe mukupulika wanthu wanandi chomene wakuyowoya za demone. Enya, sono, “demone, devulu,” vyose ivi vikufuma ku lizgu limoza, ndipo mu Chingerezi likuchemeka “mutombozgi.”

Munthu uyo wakukutombozga ndi devulu, yumoza muheni. Iyo wakuti. . . Sono, Baibolo muhanyauno ndi, ku ŵanandi, ku ŵanthu ŵanandi, ndi buku linyake lakale ilo ŵasekuru na agogo ŵakaŵazga, panji chinyake ngati icho. “Kuliye vinandi ku ili, ili nda ŵanthu ŵakale, na ŵanyake nthaura.” Kweni uko nkhwana. Ili nda waliyose. Ndipo mademone ndi ŵatombogzi awo ŵakutitombogza ise.

¹⁷ Sono, kuli mademone agho ghakunjira mu uzima wa munthu, ndipo icho ndi, mu kagwiriskiro ntchito ka mazgu, icho chiŵenge—icho chiŵenge mu a. . . Ine niyowowoye ichi, nangauli, demone ilo likunjira mu uzima ndi chinyake icho chikutombogza uzima ula.

¹⁸ Nyengo zinandi imwe mungamanya kumuwona munthu panyake wakufuntha. Sono, iwo panyake wangaŵa munthu uyo wandaphenduka, kuzuzgika na Mzimu Mutuŵa, ndipo kweni wakufuntha mwakukwanira. Mukuwona? Uwo mbunenesko. Icho chirije kalikose kakuchita na uzima. Ichi ndi mutombogzi, wonani, chinyake icho chikuŵatombogza iwo.

¹⁹ Sono, urwari wose, ise chakudanga tikwenera kuti tisange kuti urwari wose ukafuma kwa devulu. Chiuta ndi chata wa urwari yayi. Kuliye urwari ukufuma kwa Chiuta. Chiuta nyengo zinyake wakumuzomerezga Satana kuti waŵike urwari pa imwe, ngati chikwapu kuti wamuwezgereni imwe ku nyumba ya Chiuta, para imwe mwachita mtafu. Kweni urwari, mu mtendeko wake, ukafuma kwa devulu. Mungapulikiska imwe kuti munthu wangamanya kugomezga kuti Chiuta, Ŵadada ŵithu Ŵakuchanya, ŵangamanya kuŵa mwati wa chinthu chantheura ngati urwari na nyifwa? Enya, yayi, Iyo wali yayi, wakaŵa yayi, wazamkuŵa yayi. Chiuta wakuzomerezga nyifwa chifukwa cha mtafu. Chiuta wakuyizomerezga nyifwa. Umo mlembi yumoza wakayowoyera, “Chose icho nyifwa yingachita, Chiuta wakamangilira iyi ku ngolo ndipo yikutiguzira ise mu Kuŵapo kwa Chiuta, wakugomezga.” Kweni lizgu lakuti *nyifwa* likung’anamura “kapatukana.”

²⁰ Yesu wakati, “Uyo wakupulika Mazgu Ghane ndipo wakugomezga pa Iyo mweneuyo wakandituma Ine, wali na Umoyo wamuyirayira.” Ndipo Iyo wakati, “Ine ndine chiwuka, Umoyo, uyo wakugomezga mwa Ine, nangauli iyo wangafwa, kweni iyo waŵenge wamoyo, ndipo waliyose uyo ngwamoyo ndipo wakugomezga mwa Ine wafwenge yayi.” Ndipo ise tikuŵika mathupi gha yumoza na munyake pa dindi lithu la ŵaheni. “Kweni iyo wazamkufwa yayi.”

²¹ Sono usange imwe muwonenge para Iyo wakayowoya za Lazaro, Iyo wakati, “Lazaro wagona tulo.”

²² Ŵasambiri, ŵanarumi ngati ndiumo ise tiliri, iwo ŵakati, “O, usange iyo wagona tulo iyo wachita makora.” “Iyo wakang’anamura kupumura,” ndicho iwo ŵakaghanaghana.

²³ Kweni Iyo wakiza ndipo wakayowoya kwa iwo mu chiyowoyero chawo. Iyo wakati, “‘Iyo wafwa,’ icho imwe mukugomezga. Kweni,” wakati, “Ine nk huruta kukamuwuska iyo, kumuwuska iyo.” Mukuwona? Mukuwona? Para imwe. . .

²⁴ *Nyifwa* yikung’anamura “kupatukana.” Sono, usange yumoza wa imwe wangafwa, yumoza wa banja linu wafwa, panji chinyake, iyo ndi, usange ngwakuphenduka, iwo wafwa yayi. Iwo wafwa mu kapulikiskiro ka umunthu. Kweni iwo wapatukapo waka kwa ise, kweni iwo wali mu Kuwapo kwa Chiuta. Iwo wafwa yayi, ndipo iwo wangafwa yayi, ntchambula machitiko kuti iwo wafwe. Yesu wakati, “Uyo wakupulika Mazgu Ghane ndipo wakugomezga pa uyo wakandituma Ine wali na Umoyo wamuyirayira, ndipo wazamunjira mu cheruzgo yayi, kweni wajumpha nyifwa wafika ku Umoyo.” Ntheura, iyo wangafwa yayi. Chirichose icho ntchambula chivundi, Chamuyaya, ichi chingamara yayi. Uwu ndi Umoyo wambula kumara. Iyo wali nawo Uwu chifukwa Chiuta wali kupereka Uwu kwa iyo. Ndipo ntha—kuti mwachita chiweme yayi; ichi chiri na. . . Ichi ntchambula kuti mwachita chiweme chakuti. Chiuta wakupereka Uwu kwa iyo.

²⁵ Chiuta wakuchema. Kulije munthu wangiza kwa Chiuta kwambula kuti Chiuta wamuchema iyo. Yesu wakati, “Kulije munthu wangiza kwa Ine kwambula kuti Wadada Wane wamuchema iyo, wamuguza iyo.” Mbunenesko uwo? Ntheura ndi Chiuta mu vyose. Panyake namachero kumuhanya ise tizamutora vinandi pachoko pa icho, chifukwa ine nk hukhumba kuti nitore chinthu ichi cha *nthenda*, kwa imwe, mwakuti imwe muchiwone icho.

²⁶ Yika wapo nyengo apo ise tika wa wamoyo mwa sekuru withu mukuru. Imwe mukumanya icho. Dokotala wakumanya icho. Enya, imwe mukumanya, namweso, imwe mukuwazga Baibolo. Imwe mukumanya nyongolosi ya umoyo yikayambira mwa sekuru winu mukuru, kuti yizgoke nyongolosi, ndipo yikawoneka kwizira mwa sekuru winu, pamanyuma yikanjira mwa wiskemwe, pamanyuma kwa amama winu na uko imwe muli sono. Uwo mbunenesko. Nanga ndi Lemba likusambizga icho. Apa pali Lemba la imwe usange imwe mukukhumba. Ine nk hugomezga kuti ili likayowoya kuti Levi wakapereka vyakhumi para iyo waka wa mu chiwuno cha Abraham, uyo waka wa sekuru wake mukuru wakudanga. Mbunenesko uwo? Ntheura, wonani, nyongolosi yika wako kula kale.

²⁷ Kweni mauzima ghinu ghakapangika pambere charu chika wa chinda weko, para Chiuta wakalenga munthu mu chikozgo Chake Yekha; mzimu wa munthu; ka munthu yayi mu chikozgo Chake Yekha, kweni *munthu* mu chikozgo Chake Yekha. Mukuwona? Ndipo ntheura Iyo waka wapa nga iwo mwanarumi na mwanakazi, pambere Iyo waka wa wandapange munthu kufuma ku dongo la charu chapasi. Nakhumbanga

nthena tanguŵa na mpata kumuhanya uku, kutora nyengo yithu na kunjira mu icho. Kuwona waka umo Chiuta. . . Sono, ichi ndi pakatikati pa mzere, kweni, para imwe mukuwona, ichi chikwiza kuyenda nkhanira na mzere. Mukuwona? Umo kuti Chiuta, kale mu mtendeko, icho Iyo wakachita kula, na umo Iyo wakakhila kufika ku charu chapasi na umo Iyo wakapangira munthu mu chikozgo Chake; ndipo pamanyuma Chiuta wakang'anamuka ndipo wakapangika mu chikozgo cha munthu, kuti wawombore munthu.

²⁸ Sono, para Chiuta wakati wapanga munthu mu chikozgo Chake, iyo wakaŵa munthu wauzimu. Ndipo nthaura kukaŵavye munthu wakuti walime dongo. Ndipo Iyo wakalenga munthu kufuma ku dongo la charu chapasi. Sono, ŵasayansi ŵa kusanda vyakale, na ŵanyake nthaura, na ŵanthu aŵa awo ŵakufukula na kutora viwangwa vyakale, na vinyake nthaura, ndipo ŵakugomezga mu kasinthisintha. . . Ine nkhubomezga mu mtundu wakwenerera wa kasinthisintha. Munthu wakusintha kufuma kwa iyomwene, kweni wose kufuma ku mbewu yimoza yayi. Yayi, bwana, chifukwa a— kayuni kali kuŵa kayuni kufuma apo Chiuta wakapangira iko kuŵa kayuni, ndipo munkhwere wali kuŵa munkhwere, munthu wali kuŵa munthu. Uwo mbunenesko.

²⁹ Sono, ine nkhayowoyanga kwa dokotala kuno kanyengo kajumpha, mu Louisville. Iyo wakati, “Chifukwa, Mliska Branham!” Ine nkhayowoyanga umo mbadwa za mu Africa, umo iwo ŵakuryera, ŵakukhalira waka. . . O, vinthu vinyake vyakofya chomene imwe mukawonapo, umo iwo ŵakuryera! Wakutora waka vinthu ivyo nvyakuvunda, mphorozi mu ichi, kuvikung'untha waka ivi, mphorozi na vyose. Chikupanga mphambano yiriyose yayi kwa iyo. Mukuwona? Iwo wakati. . . Ŵakumwa chirichose, chikupanga mphambano yiriyose yayi kasi ichi ntchichi. Iyo wakati, “Kweni, Mliska Branham, ŵanthu ŵara ndi ŵanthu yayi.”

Ine nkhati, “O, enya, iwo mbanthu. Iwo ndi ŵanthu nadi.”

³⁰ Ine nkhati, “Chinthu chakufupi chomene ku munthu, mu mndandanda wa vinyama, ndi jendayekha. Ndipo imwe muli kuyezga virimika foru sauzandi kuti mupulikepo lizgu limoza kufuma mwa jendayekha yura, ndipo iyo wangachita yayi ichi,” ine nkhati, “chifukwa iyo wangaghanaghana yayi. Iyo waliŵe chakuti wangagwiriska ntchito pa kughanaghana.” O, imwe mungamusambizga iyo vinthu vichokovichoko ngati kuduka, kuchimbira na kuzgokera kumazere, panji kuvwara magalasi, panji kukhweŵa ndudu, panji kukwera njinga yekha, kwendeska kavalo, panji chinyake ngati icho, kweni kuyana waka “chimbira” ndipo “zgokera kumazere” ku kavalo, panji “kuchema” ku ntchewe, panji chinyake ngati icho. Ine nkhati, “Iyo ndi nyama.”

³¹ “Kweni imwe munizomerezge ine ndirute ku Africa, ku mtundu wa kumizi chomene iwo wali nawo, ndipo ula ndi mtundu uchoko wa munthu wa muthengere.” Ndipo ine nkhati, “Panyake wake mukuru-mukuru-mukuru-sekuru wake mukuru wakamuwonapo yayi munthu mzungu nesi chinyake. Chinthu chekha pera iyo wakumanya, iyo wakumanya yayi nanga ndi woko lamaryero panji lamazere. Chinthu chekha pera iyo wakumanya ndi kurya, ndipo iyo wakurya icho mawoko ghake ghatora, usange ndi nyama ya munthu, chinyake chirichose, chikupanga mphambano yiriyose yayi kwa iyo, malinga iyo warya. Kweni rekani ine nimutore iyo pa msinkhu wa virimika vinkhonde, ndipo pa msinkhu wa virimika fifitini iyo wayowoyenge Chingerezi chiweme na kuwa na masambiro ghaweme. Chifukwa? Iyo wali na uzima. Chiuta wakamupanga iyo munthu, ndipo iyo wali waka na wanangwa wose kuti wapulike Ivangeli, pafupifupi kamoza, umo ise tikuchitira kupharazganga kudera kuno, palipose mu America, ku wanthu, kuwerezga na kuwerezga na kuwerezga, na kuwâpemppha, kuwâkoserezga na chirichose. Murekeni iyo wapulike ichi nyengo yimoza, ndipo muwoneni iyo wakulira na kuchimbilira ku guwa nkhanira mwaluwiro.” Mukuwona? Enya, bwana!

³² Icho ndicho mtima wane uli, m’bale, muhanyauno, para ine nkughanaghana za Africa, na mawoko ghachoko ghachitima ghafipa ghara ghakwera muchanya, kuyowoyanga, “M’bale Branham, rutirira kuyowoyanga za Yesu!” O, lusungu! Muli chinyake mwa ine chikujima na kotcha. Mwaluwiro waka para ine nasanga ndalama zakukwanira, ine nkburuta kula, nakoso. Ndicho ine nkuchita na ndalama yiriyose ine nkhusanga, chirichose, Chiuta wakumanya, padera pa icho ine ningarya. Ndipo wanthu wanandi wakundipa vyakuvwara ine. Ndipo icho ine ningakhalirapo waka umoyo, ndamwene, kufupi waka umo ine ningachitira, ine nkhuwika ichi nkhanira mu thumba la utumiki ilo boma liri kunozga. Ine ntha nkupereka nanga ndi msonkho pa ichi. Kusanga ghatatu panji ghanayi, madolazi fayivi sauzandi, ndipo ine nkburuta kusirya kula na kukapharazga Ivangeli ku wanthu awo ine nkhumanya kuti pa dazi lira ine nkhwenera kuzakazgora. Ndipo ine ndizamumanya chifukwa icho ndamkuzgorera.

³³ Ine kale, para ine nkharuta mu msumba, ine nkhapangiskanga ungano ukuru kale para iwo wakawa na ndalama zinandi, ndipo iwo wali na visokole vikuru na masauzandi gha madola, ine nkhaperekanga izi ku Red Cross na kunyake ntheura. Sono, sono, ntha kuwasuska iwo, kweni kukhiranga mu msewu mu galimoto ya foru-sauzandi-dolazi, ya manati gha diamond ku matayala, wakukhwewa ndudu, ndipo fayivi handiredi dolazi pa sabata pa ndalama izo wanthu warwa-...Yayi, bwana! Yayi, nadi! Ndipo pa ivi, para imwe mwafumamo waka mu msumba, iwo wakati,

“ŵatuŵa ŵakukunkhuluka,” na chirichose ngati nthaura, na kuŵasekanga, na kuyuyuranga chisopo icho ise tikugomezga. Yayi, bwana!

³⁴ Ine nkhotora ichi ndamwene, ndipo panthazi pa Chiuta ngati Mweruzgi wane, ine nkhuŵika ichi mu mlimo wa Ivangeli kula, nthaura ine nkhumanya kuti pa Dazi lira kuti ine . . . para ine nkhwenera kuzakapataula pa mlimo wane wa msungiliri, ichi chaperekeka makora. Uwo mbunenesko nadi, chifukwa ine nkhuwona kuti umo ine nkchuchitira na ŵanthu ndimo nkchuchitira na Chiuta. Kachitiro waka kane kwa imwe ndi kachitiro kane kwa Khristu. Ndipo kachitiro kinu kwa ine ndi chinthu chenechira, uwo mbunenesko, kwa Khristu.

³⁵ Sono, kuwona ŵanthu ngati nthaura, na kuwona umo kuti munthu, pamanyuma, na uzima wambula chivundi sono, uyo wangafwa yayi, wangaparanyika yayi, wangachita chirichose yayi kweni wali na Umoyo wamuyirayira, kuti Chiuta mwakuyima payekha, mu kukhumba Kwake Yekha, wakapereka ichi kwa imwe. Ndipo sono, nthaura, sono ine . . .

³⁶ Rekani ine ninozge ichi pachoko waka, panji niyowoye chinyake. Munyake warutenge na kuyowoya kuti, “M’bale Branham ndi mu Calvinist.” Yayi, ine ndiri yayi. Ine ndine mu Calvinist malinga Calvinist wali mu Baibolo. Kweni para Calvinist wafumamo mu Baibolo, mbwenu ine ndine wa Arminian, wonani. Ine nkchugomezga mu utuŵa ndipo ine nkchugomezga mu Calvinist, namoso. Kweni, vyose viŵiri, yumoza wakayenda pa munthavi ndipo wakaruta kudera *uku*, ndipo munyake wakayenda pa munthavi ndipo wakaruta kudera *uko*. Usange pakaŵavyenge Buku la Efeso, kuchiwezgereska ichi na kuŵika ichi mu malo ghakwenerera uko Chiuta wakaŵika, ise tose nthena tiri kutimbanizgika. Kweni wose ŵawiri ŵali na chisambizgo, kweni iwo ŵakuruta ku mbewu pa ichi, waliyose, icho ndi utuŵa na Calvinist, nachoso, Arminian. Sono, ŵa Calvinist ŵali na chinyake chaunenesko. Ine nkchugomezga icho, kuti chisambizgo cha Calvinist . . .

³⁷ Ine nkchugomezga ichi. Mu chivikiriro, ine nkchugomezga kuti Mpingo uli nacho Chivikiriro Chamuyirayira. Muŵazgi waliyose wa Baibolo wakumanya icho, chifukwa Chiuta wakayowoya kale kuti Uwu uzamuwoneka kunthazi wambula chilema. Mbunenesko uwo? Mwanthaura, Uwu uzamkuŵako kula. Ndi unenesko uwo? Bai- . . . Mpingo ngwakuvikirika Muyirayira. Sono, imwe kuŵa mu Mpingo, ndi chinthu chinyake. Usange imwe muli mu Mpingo, viri makora, imwe ndimwe ŵakuvikiririka na Mpingo, kweni ntchiweme imwe mukhale mu Mpingo. Ndipo kasi imwe mukunjira uli mu Mpingo? Pa kuchita kukorana chasa? Yayi. Kulembeska zina linu mu buku? Yayi, bwana. “Na Mzimu umoza ise tose tikubapatizikira mu Thupi limoza.” Ndipo Thupi lira, Chiuta wakaliyeruzga pa Mphinjika, likaŵa Thupi la Yesu Khristu, ndipo ise

tikubapatizikira mu Thupi lira na Mzimu umoza. Ise tiri na Chivikiriro Chamuyirayira malinga ise tiri mu Thupi la Khristu, kulije chingatipatula ise, kulije chingatikhwaska ise. Usange imwe mwaruta kuwaro, imwe mwaruta kuwaro mwa kukhumba kwinu mwaŵene. Kweni mu unenesko wose, usange imwe muli mu Thupi la Khristu, mu unenesko wose umo Yesu wakaukira ku ŵakufwa, imwe muzamuwuka namweso. Chiuta wali kuchita kale icho. Iyo. . .

³⁸ Imwe mungananga yayi. O, imwe mukuchita. . . Ine panyake ningaŵa wakwananga mu maso ghinu, kweni usange ine ndiri mwa Khristu, Chiuta wakuchiwona yayi ichi, chifukwa zakwananga zake zikuphepiskira. . . Ndopa Zake zikuphepiskira zakwananga zane kula. Mukuwona? Ine ningananga yayi. “Iyo mweneuyo ngwakubabika na Chiuta wakuchita kwananga yayi, pakuti iyo wangananga yayi. Mbewu ya Chiuta yikukhalirira mwa iyo.” Mukuwona? Iyo, iyo ngwakunozgeka kuti, usange iyo wanangiska, nadi, iyo penepapo ngwakunozgeka kuzomereza ichi. Usange iyo ndi Mukhristu mweneko, iyo wachitenge ichi. Usange iyo wakubisa ichi mwa iyoyekha, iyo wakuwoneska kuti iyo walije kalikose, kuyamba na kuyamba. Uwo mbunenesko. Iyo walije kalikose, kuyamba na kuyamba. Kweni usange iyo ndi Mukhristu mweneko. . .

³⁹ Nkhanira kuno, imwe mupande njere ya tirigu mu dongo, iyi nyengo zose yiŵenge njere ya tirigu. Ŵakabata panyake ŵangayizingirizga yose iyi, na chinyake chirichose, kweni iyi yiŵenge njere ya tirigu malinga iyi yikuyima. Mbunenesko uwo? Ndipo usange munthu ngwakubabika nadi na Mzimu wa Chiuta, iyo wakuŵa mkati na kuwaro yayi, na kumanyuma na kunthazi, na kuruta uko mu charu na kudera kuno. Yayi, bwana. Yayi, yayi. Imwe ndimwe kabata yayi dazi limoza ndipo njere ya tirigu dazi linyake. Chiuta walije icho mu munda. Enya, bwana. Usange imwe muli kubabika na Mzimu wa Chiuta, imwe ndimwe Mukhristu kufumira nyengo yira mpaka a. . . mpaka imwe mufwe, ndipo nthaura imwe ndimwe—imwe ndimwe ŵambula chivundi, na Chiuta. Uwo mbunenesko, usange imwe muli mu Mpingo.

⁴⁰ Sono, sono tiyeni tiyowoye za chigaŵa cha nyifwa. Sono, kasi vingachitika uli kuti munthu mu chigaŵa icho, mu kaŵiro ka mtundu uwo, wasangike kuti warwara? Chifukwa chakuti thupi linu lichali lindawomboreke. Thupi linu lindawomboreke. Pali je kanthu kwali vichi, kwali muŵe ŵaweme uli, ndipo kwali muŵe ŵatuŵa uli, ndipo kwali muŵe ŵautozgi uli, ndipo kwali muŵe na Mzimu Mutuŵa chomene uli, icho ndi uzima winu pera. Ndipo uzima winu ngwakukwanira yayi. Uwu uli waka na Thumbiko, phangano la Chiuta, cheneicho ndi chikhole cha chiponosko chithu. Kweni sono usange ise tirije chikhole cha chiwuka chithu, tirije machirisko Ghauzimu,

ntheura ine niwenge na chisimikizgo yayi panji kwambula chirichose chakuti chisimikizgire kwa ine kuti chiriko chiwuka.

⁴¹ Kuyana waka kuti usange Khristu wakukhala mu mtima wane yayi, usange ine ningatora ichi kufuma ku mtundu unyake wa a—chinthu cha m’mutu kale chomene, nkhwenera kugomezga kumalo kunyake ngati icho, enya, ntheura ine—ine—ine ndi wenge wakukayika pachoko za ichi. Ndipo ndicho chifukwa, kula mu Africa, para iwo wakwiza, uku kukwiza wamishonare, kutoranga masauzandi gha wenekokaya wara, ndipo iwo wakanyamula vidole vyakale vya dongo na chirichose ngati ntheura, ndi chifukwa chakuti iwo wakapulika waka chigaŵa cha zeru za m’mutu cha Baibolo. Uwo mbunenesko. Ndipo mpingo wane ndamwene ndi Baptist, Methodist, Prezibetere, wose awo wakanjira mwenemula. Kweni para iwo wakati wawona nkhongono ya Chiuta yikafika mu chiwoneskero, chira chikakhazikiska ichi, iwo wakamanya pamanyuma kuti Chiuta wakaŵa Chiuta.

⁴² Kweni, sono, ntchivichi chikwambiska urwari uwu? Sono, chinthu chakudanga, uwu ndi mzimu pambere undazgoke kuŵa nthenda, kuyana waka ngati umo imwe mukaŵira mzimu pambere mukaŵa mundazgoke kuŵa munthu. Sono ine nitorenga M’bale Willett apa ngati chiyegerero. M’bale Willett, ine... Yikaŵapo nyengo apo iwe na ine tikaŵa kanthu yayi. Ndipo ntheura chinthu chakudanga, Chiuta wakatipa umoyo ise. Ndipo tiyeni titore, kuti, usange ine ningabwangandula thupi lako kumuhanya uku, iwe uli kupangika na mupukutu wa tuchokotuchoko, twakumatirirana pamoza na tuviduswa. Ndipo sono, dazi linyake tuviduswa tula tuzamkufwa, usange Yesu wachedwenge. Iwe uzamkuwerera kumanyuma. Ivi vizamkuŵa ngati ndiumo vikaŵira mu mtendeko, kuwerera mu mphepo. Kweni para mzimu wako ukwizaso, tula tuzamuwunganaso pamoza na mzimu uwu na kubaba M’bale Willett munyake kuyana waka na yumoza yura, kweni mwanichi, para iyo wakaŵa pa uchinyamata wake.

⁴³ Para munthu wajumpha virimika pafupifupi twente-fayivi vyakubabika, iyo wakuŵa na mankhwinya pachoko kusi kwa maso ghake, na sisi linyake la nyivwi likuwoneka. Ichi chiwenge ntheura, chifukwa nyifwa yikukuronda iwe. Ndipo limoza la mazuŵa agha iyi yizamkukutora iwe. Palije kanthu kwali ndiwe njani, iyi yizamkukutora iwe. Kweni iyi pachokopachoko... Iwe uzamkufika mu ngodya umu, ndipo Chiuta wazamkukufumiskamo iwe mu ngodya yira, ndipo iwe uzamunjira mu ngodya *iyi* kuno, nyifwa pafupifupi yizamkuŵa pa iwe, na kudera uku, kweni para pajumpha kanyengo iyi yizamkukutora iwe. Kweni pamanyuma, icho nyifwa yingachita, iyi yikupankhula mwakukwanira, ndipo ntheura pa... para yachita chose icho yingachita... Para Chiuta wakati wakupa iwe umoyo uwu, ndipo iwe ukaŵa pa uchinyamata wako uweme,

pafupifupi pa msinkhu wa twente-firi, para iwe ukwizaso mu chiwuka iwe uzamkuwa ndendende ngati ndiumo iwe ukaŵira pa msinkhu wa virimika twente-firi, twente-fayivi, pambere nyifwa yindafike. Nyifwa yitorenge chirichose icho iyi yingachita. Iyi yikufika mwenemula, kweni iwe uzamkwizaso ndendende umo iwe ukaŵira.

⁴⁴ Sono, usange kalikose ka twinu—tuviduswa twinu mu thupi linu, tiyeni tibwangandule sono, imwe mukwiza pamanyuma pa kachiduswa na kachiduswa, kachiduswa na kachiduswa, na kutandika ichi pa gome apa, pamanyuma pa kachiduswa kalikose mu thupi linu, imwe mufikenge ku kanyongolosi kamoza kachoko uko imwe mukayambira, kangawoneka yayi na jiso la chilengedwe. Imwe mukwenera kuti mulaŵiskire pasi pa magalasi ghakulaŵiskira tuviduswa. Ine ndiri kukawona kanyongolosi ka umoyo pasi pa galasi lakulaŵiskira tuviduswa. Aka kakuwoneka ngati kaulusi kachoko nthenda. Ndipo kanthu kakudanga ako kakuyamba ndi nkhanira mu chiwangwa cha pa msana, iko kali ngati kafindo kachoko. Ako ndi kachiduswa kachoko kakudanga kakukura pachanya pa kachiduswa.

⁴⁵ Sono, usange ine ningatora kachiduswa kachoko kamoza kala uko waliyose wa imwe wakafumira, kachiduswa kamoza kachoko, kanyongolosi...Kasi kanyongolosi ndi vichi? Kambewu ndi kanthu kachoko, kanyongolosi kachiduswa chomene. Enya, kasi ntchichi pamanyuma pa icho? Sono, ine nimubwanganduleninge imwe kufuma ku chiduswa chirichose cha imwe, kufika ku kachiduswa kachoko kamoza aka, ndipo ine nichali nindamusangeni imwe. Ine nasalazga waka tuviduswa twinu. Enya, pamanyuma, chinthu chinyake, tuviduswa twa ndopa, na tuviduswa twa munofu, na chirichose uto tuli, kuvitandika vyose kuwaro uku, kweni ine nichali nindamusangeni imwe. Sono, ine nafika ku nyongolosi yimoza sono. Enya, ine nitwazurenge kachiduswa kamoza kala. Sono, kasi imwe muli mpha? Umoyo winu. Ndipo umoyo ukupanga kachiduswa kakudanga, kenekako ndi kanyongolosi, pamanyuma chirichose mu kaŵiro kake; ntcheŵe kubaba ntcheŵe, kayuni kubaba kayuni, munthu kubaba munthu. Kukuzganga kachiduswa, kachiduswa pa kachiduswa, kachiduswa pa kachiduswa, kukura kufika apo imwe muli, munthu, kukuranga kwa kachiduswa. Sono, icho chikakhozgeka na Chiuta kuti chikhale nthaura.

⁴⁶ Kweni, sono, mukuti uli za kansa? Tiyeni tiyowoyepo za iyo pachoko waka. Sono, Chiuta wakamupani imwe umoyo winu. Ndipo tiyowoye kuti, imwe muli apa muhanyauno, ine ndiri apa, pali—palije kalikose pa woko lane, kweni panyake pangawa kansa pa woko lane nyengo yinyake. Enya, kasi kansa yira yikafika uli apo? Tiyeni tiwone kasi kansa yira ndi vichi, sono tiyeni timubwangandule iyo mu viduswa, tiyeni tirute timutore iyo. Sono, iyo ndi mulu wa kachiduswa, nayoso. Kasi

imwe mukamanyanga icho? Chakutupa, sanga, vinyake vyose vira ndi kachiduswa. Ivi vilije kawonekero. Vinyake vya ivi vikutandazgika, ndipo vinyake vikuwoneka ngati duweluwe, ndipo vinyake vikuwoneka... tumizeremizere, kansa yiswesi, kuyana waka na maulusi ghatali agho ghakujumpha mu... Ndipo nthaura kuli kansa yi chesamu iyo nyengo zinandi yikumera pa bere la mwanakazi, iyi yiri ngati vitumbuwa vyagonerana pa chimoza na chinyake, ndipo nthaura ivi vikutandazgika. Ndipo ivi vikumera waka palipose.

⁴⁷ Nyengo zinyake vyakutupa virije kawonekero, kudera *uku*, chitali, chakusoloroka, na chirichose. Ivi vilije kawonekero, chifukwa ivi vikufuma ku mzimu uwo ulije kawonekero. Kweni ichi ndi kukura kwa tuviduswa. Ndi mulu wa tuviduswa uwo, tiyowoye kuti, mwa imwe sono nthena muli chakutupa panji kansa, iyi yikupanga tuviduswa, kukuranga, kukuranga, kukuranga. Iyi yikurya, kuwonkha umoyo winu mwa imwe. Iyi yikukhalira umoyo pa ndopa zinu. Sanga zikutora maji gha jiso na kumera nkhanira pachanya pa ili, yikubenekerera pachanya, yikujara jiso linu. Zinyake za izo zikwiza ndipo nth... ngati jeremusi ya chikhoso chikuru, iyo yikwamba ngati kajeremusi kachoko. Sayizi ya aka yirije chakuchita. Sayizi yeneyira ya jeremusi yikupanga zovu, yikupanga a—kababa. Mukuwona? Sayizi ya nyongolosi yiri na chakuchita yayi.

⁴⁸ Ndipo ghanyake gha igho ghakuwa na kawonekero ka thupi, ghanyake ghakuchita yayi. Ndipo ghanyake ghakunjira mu tuviduswa yayi. Ghanyake ghakuzgoka mzimu, ghakutombozga uzima. Ise tiyezgenge kuti titore chigaŵa icho, ine nichilekerenge chigaŵa icho ku namachero kumuhanya, usange ine ningakwaniska, uko mzimu wa uzima ula ukufumira, na umo ukusangikira pasi *pano*.

⁴⁹ Ndipo sono, wabwezi, ine nthu nkhuwoyoya ichi kufuma ku mtundu unyake wa kuwazga vya m'mutu yayi. Ine nachita na mademone pa virimika vinandi, ndipo imwe mukumanya icho. Usange imwe mukachimanyenge chinthu ichi, para visopo vyamara usiku, icho chikuchitika nyengo yinyake. Imwe mukumanya yayi. Kumbukirani, para imwe mwafika pa kwimikana na mzimu, ntchiweme imwe mumanye icho imwe mukuyowoya. Kuyimilira waka apo yayi na kupanga maseŵera, chifukwa ichi chimuchitireninge uweme uliwose yayi. Kweni para demon wakwenera kuti wamupulikireni imwe, iyo wamanyenge ichi. Ndi umo imwe mukuchemerezgera yayi, ndi unandi wa mafuta agho imwe mukupungulirapo yayi. Ndi icho chiri kumanyuma ndicho iyo wawonenge, Unenesko. Yesu wakayowoya kwa iyo, “Fumamo.”

⁵⁰ Kumbukirani, wasambiri wakabafuranga na kukhwetiskanga, na kuyezezanga kumufumiska iyo, na chirichose. Iwo wakati, “Ntchifukwa uli ise tikatondeka kumufumiska iyo?”

Wakati, “Chifukwa, kuwura kugomezga kwinu.”

⁵¹ Wakati, “Fumamo mwa iyo.” Mnyamata wakawa ndipo wakaŵa na kunyutuka kukuru chomene iyo wakaŵapo nako. Mukuwona? Mukuwona? Ivi vikuwona mazaza.

⁵² Wonani ŵanyamata ŵara kusika kula, ŵakupemphapempha ŵara awo ŵakawona Paulos wakufumiska viŵanda. Iwo ŵakati, “Ise tingachita chinthu chenechira,” ŵana ŵanarumi ŵanyake ŵa msofi. Ntheura iwo ŵakaruta ndipo ŵakati, “Ise tingamanya kufumiska viŵanda.” Milimo 19. Iwo ŵakaruta kwa munthu uyo wakaŵa na kunyutuka kwa vizilisi, ndipo ŵakati, “Ise tikukulangura iwe, kwizira mwa Yesu. Fumamo mwa iyo . . .” Chiŵanda chikati, “Sono . . .” “. . . mu Zina la Yesu, uyo Paulos wakupharazga!”

⁵³ Chiŵanda chikati, “Sono, ine nkhumumanya Yesu ndipo Paulos nkhumumanya, kweni imwe ndimwe njani?” Imwe mukumanya icho chikachitika. Chikamudukira munthu, chikapalura vyakuvwara vyawo, ndipo iwo ŵakaŵa na kunyutuka iwoŵene, ndipo ŵakachimbilira ku msewu.

⁵⁴ Mademone gheneghara ngamoyo muhanyauno, ntheura kuli kunyanyira kunandi chomene. Uwu ndi mpingo, mise agha. Kuli kunyanyira kunandi mu charu muhanyauno, kwakuchemeka machirisko Ghauzimu, uko kukwenera kuti kumare. Icho ndicho chikwiziska chinyozo pa Mlimo weneko. Ndicho chifukwa imwe muli na unonono wantheura. Kuli vinthu vinandi chomene vyakuchemeka chisopo, muhanyauno, ivyo vikwenera kuti vimare. [Pa tepi palije kalikose—Munozgi.] Ntchinyake yayi kweni magulu gha ŵasopisopi! Icho ndicho chikupangiska Mpingo weneko wa Chiuta kuŵa na unonono wantheura na ichi. Kweni ise ndise ŵa ku America, wonani, umo ndimo tikhalirenge. Chiuta wakuyowoya kuti tirigu na vyakutaŵa na mikwakwazu vikakulira pamoza. Kuyezga kuvichesura yayi. Vilekeni vikulire pamoza, kweni na vipambi vyawo imwe mukuvimanya ivyo. Palije vipambi, chifukwa, palije Umoyo, kulije kalikose uko.

⁵⁵ Sono, wonani tuviduswa utu. Tiyeni tiyowoye, mwakuyezgerera, ngati nyengo zinandi, kansa yiswesi kenekanandi yikusangika mu nthumbo ya mwanakazi, kusupuka mu ŵanakazi na vinyake ntheura. Sono kuti, tiyeni titore kuti, munthu yura timusanthure sono, pa chiduswa chake, iyi—kansa iyi. Sono kansa . . .

⁵⁶ Chirichose cha kuthupi chikuyimila chauzimu. Kasi imwe mukumanya icho? Chirichose cha kuthupi chikuyimila chauzimu, mulimose.

⁵⁷ Mwa kuyezgerera, ngati ichi, para—para ise tikubabikira mu Thupi la Khristu, pali vinthu vitatu vikuchitika kuti vipange Kubabika kwithu. Ndipo ivyo ndi vinthu vitatu ivyo vikafuma mu umoyo wa Khristu para Iyo wakati wafwa. Mu thupi

Lake mukafuma, maji, Ndopa, Mzimu. Ndi unenesko uwo? [Gulu likuti, “Mbunenesko.”—Munozgi.] Vinthu vitatu, ivyo ndi vinthu ise tikujumphamo para ise tikubabikaso: kurunjiskika, kutuwiskika, ubapatizo wa Mzimu Mutuŵa. Sono, vyose ivyo vingaŵa mu chakuchitika chimoza. Kweni ichi chikutorera... Kweni imwe mungaŵa mu kaŵiro kakurunjiskika kweni ŵambula kutuwiskika. Imwe mungagomezga pa Fumu Yesu Khristu ndipo kweni kukhalanga ndithu na ukazuzi winu. Kweni mwakufikapo imwe mungakhala mu vyose viwiri mu kurunjiskika na umoyo utuŵa wautozgi, ndipo kwambula Mzimu Mutuŵa. Wonani, Baibolo, 1 Yohane 5:7, wakati, “Kuli ŵatatu awo ŵakuchitira ukaboni Kuchanya, Wiske, Mwana, na Mzimu Mutuŵa, ndipo. . . Wiske, Mazgu, na Mzimu Mutuŵa,” uyo wakaŵa Mwana, “ndipo ŵatatu aŵa njumoza. Ndipo kuli vitatu ivyo vikuchitira ukaboni pa charu chapasi, maji, Ndopa, na Mzimu, ndipo ivi vikuzomerezgana mu yumoza.” Njumoza yayi, kweni vikuzomerezgana mu yumoza. Imwe mungaŵa yayi na Wiske kwambula kuŵapo Mwana; imwe mungaŵa yayi na Mwana kwambula kuŵa na Mzimu Mutuŵa, pakuti ivi mungavipatula yayi, ntchimoza. Utatu uli mwa yumoza.

⁵⁸ Ine nkchuchipulika yayi ichi kudera kuno, kweni imwe mukupulika vinandi sirya la charu, chimoza cha vinthu vikuru chomene mu magulu gha Pentekosite, ndi kutimbanizgika mu chinthu chimoza chipusu icho. Ndipo ine ndiri kukumanapo na mitu yawo nkhanira pamoza kuti iwo wose ŵakugomezga chinthu chimoza. Ndi devulu pakatikati pawo, mbwenu kwamala. Usange mpingo ukuru ula wa Pentekosite ungamanya ku-...kutaya pasi vichokovichoko vira, myambo yakale na kuwungana iwoŵene pamoza mu Mpingo umoza wakutumbikika wa Chiuta, Mkwatulo mbwenu uchitikenge. Kweni malinga Satana wangapanga iwo kukhalirira ŵakuswekana, viri makora. Ndiyo nthowa yake ya kuchitira ichi. Ndipo nadi iwo ŵakugomezga chinthu chimoza.

Umoza ukuti, “Enya, *ichi* ndi Icho.”

⁵⁹ Ine nkhati, “Enya, usange *ichi* ndi Icho, ipo Icho ndi *ichi*.” Ntheura apo imwe muli. Mwantheura, chose ndi chinthu chimoza. Kweni apo imwe muli, mu utatu ula wa Chiuta. Sono, sono, Chiuta wali mu umoza Wake. Chiuta Dada, Mwana, na Mzimu Mutuŵa. Sono, ise ntha tikuti “ŵachiuta ŵithu,” ngati ŵambula kugomezga. Ndi “Chiuta withu.” Mukuwona? Ndi Umunthu patatu wa Chiuta.

⁶⁰ Sono wonani, sono, Satana wali mu utatu nayoso. Ndipo nkchongono zake ziri mu utatu.

⁶¹ Sono, kweni wonani pamanyuma para maji, Ndopa na Mzimu vyapanga Kubabika kuphya. Ndi unenesko uwo? Sono wonani. Icho ndicho chikuyimila Kubabika kuphya. Ntchichi chikuyimila kubabika kwa kuthupi pambere Kubabika kuphya

kundafike? Para... Imwe wamama, para bonda wababika, chinthu chakudanga ndi vichi? Maji. Chakurondezgako, ndopa. Chakurondezgako, wonani, icho chikupanga umoyo, wonani, chikupanga munthu. Maji, ndopa, mzimu.

⁶² Sono, kansa, tiyeni tiyowoyepo pa iyo ngati mutu withu. Ise takhala na maminiti ghankhonde, ine nkhusachizga. Pafupifupi kwa maminiti ghanyake ghankhonde, tiyeni tiyowowoyepo za kansa. Kasi munyake uyu ndinjani? Kasi iyo wakuyimila vichi? Iyo ndi murya vyakuvunda. Iyo wakuyimila khwakhwaŵi, wakurya vinthu vyakufwa. Ndipo kansa yikwiza kufumira pa kusupulika, chomenechomene, uko nyongolosi yatimbika ndipo iyi—iyi yasweka. Ndipo kanyongolosi kachoko mwenemula kakuswanuka. O, ilo ndi lizgu likuru kwa wa Baptist, ndi nthaura yayi? Viri makora, kweni iyi yikuswanuka, nyongolosi yira. Ine ndine wa Baptist uyo wakugomezga mu kuwereranyuma.

⁶³ Munyake wakayowoya, kusika kuno mu ungano wa ku Arkansas dazi linyake, wakati, “M’bale Branham,” wakati... Wakawā wa Nazerene munyawo. Iyo wakachizgika. Iyo wakawā na wake... Wakaruta kwendanga mu tawuni, na ndodo zake pa phewa lake. Iyo wakati, “Iwe ukumanya kasi?” Wakati, “Para ine nkhiba kuno kakwamba,” wakati, “Ine—ine nkghaghanaghana kuti iwe... nkghakupulika iwe ukupharazga, ine nkghaghanaghana kuti ukawā wa Nazerene.” Iyo wakati, “Pamanyuma ine nkhwona kuti wanthu wanandi wakawā wa Pentekosite, ndipo munyake wakandiphalira ine kuti ukawā wa Pentekosite. Ndipo sono iwe ukuyowoya kuti ndiwe wa Baptist.” Wakati, “Ine nkghupulikiska yayi ichi.”

⁶⁴ Ine nkhati, “O, icho ntchipusu.” Ine nkhati, “Ine ndine wa Pentekosite Nazerene Baptist.” Nthaura uwo ndi—uwo mbunenesko. Viri makora. Yayi, ise tiri yumoza mwa Khristu Yesu, mwa Mzimu Mutuwā kutipanga ise yumoza. Uwo mbunenesko.

⁶⁵ Sono, wonani, kanyongolosi kachoko aka kakuswanuka para kasupulika. Iko kakuyamba tuchoko. Majeremusi ghanyake ghachokoghachoko ghakwiza kuzakakhala maumoyo ghawo mwenemula. Ndipo umo ndimo mafira ghakwizira mu kusupuka kula. Uto ndi tusirikali tudikitudiki kurweranga umoyo winu. Utu tukuwungana kula ndipo—ndipo tukutimba poyizoni yura, nkhangono zira za mademon izo zikuyezga—zikuyezga kuwungana mwenemula, na kukhala maumoyo ghawo. Icho ndicho chikupanga... Icho ndi... Utu ndi mulu wa wasirikali wachokowachoko wakufwa, mafira ghara agho ghali mu ndopa zinu... agho ghali mu a—mu chakusupuka, agho ghakupereka umoyo wawo kuti ghathaske winu.

⁶⁶ Sono, para kanyongolosi kachoko kanjira mwenemula ndipo demon uyu wakwambako, uyu wakwamba kukura,

iyu wakuyamba kwandaniska nyongolosi. Iyo wakupanga thupi nkhanira ndendende ngati ndiumo wabonda winu wakuyambikira mu chibabiro chinu, ndipo ngati ndiumo imwe mukachitira mwa amama winu. Nyongolosi pachanya pa nyongolosi, nyongolosi pachanya pa nyongolosi, nyongolosi, munthowa yiriyose, kulikose; mbwenu, izi zirije kawonekero ka chinyake ngati munthu, mu kawiro kake. Ichi chafumira waka ku mzimu. Ichi chikukura waka palipose munthowa yiriyose, ndipo chiyambenge nyongolosi pachanya pa nyongolosi, nyongolosi pachanya pa nyongolosi.

⁶⁷ Ndipo sono, chinthu chakudanga imwe mukumanya, imwe mwambenge kulombotoka na kujipulika kuti mwarwara. Imwe mukuruta kwa dokotala ndipo iyo wamupimaninge imwe. Panyake iyo wangayisanga yayi iyi. Usange iyo wayisanga, panyake wadumurenge iyi. Usange iyo wangadumura iyi makora, viri makora, iyo wamarana nayo. Kweni usange iyo wangadumura makora yayi iyi, nthaura usange iyi yiri mu chigolomiro panji malo ghanyake uko iyi yingadumurika makora yayi, kakukhalira kachoko kamoza ka iyi kawenge kamoyo nkhanira penepara. Wonani, chifukwa iyi yindadumulikepo ngati ndiumo imwe mungadumulira woko linu na kuwuskikapo, panji chinyake chirichose, panji imwe mukudumurako. . . Icho ine nkhung'anamura, usange imwe mungadumurapo thupi lose, na kusida woko linu apo, chifukwa, iyi yingakhala yamoyo yayi. Kweni—kweni, wonani, yira yirije kawiro ka umoyo ngati ndi ako imwe muli nako. Ndi nkhangono ya demon kwendanga.

⁶⁸ Ndipo sono wonani, imwe mukuvichema ivyo, dokotala wakuchema ichi, “kansa.” Chiuta wakuchema ichi “chiwanda.” Lawiskani muhanyauno. Iwo wakutora waka ichi. . . Kasi lizgu lakuti *kansa* likafumira nkhu? Ili likufumira ku. . . kufuma ku lizgu la Chilatin ilo likugwiriskika ntchito mu kayowoyero ka vyamankhwala, kung'anamura “nkhala,” nkhala iyo imwe mukuyiwona mumphepete mwa nyanja, yiri na marundi ghose ghara. Umo ndimo kuti—kuti iyi yikuchitira, iyi yikwenda, yikutandazgika. Lizgu lakuti kansa ndi nkhala. Ndipo iyi yikunjira ndipo yikurutirira waka kumatirira na kumwanga ndopa apo iyi yikuruta, ngati oktopasi panji chinthu chinyake. Chifukwa, chakutupa, sanga, na matenda ghanyake, yiriyose ya igho yikufumira ku nyongolosi, ndipo nyongolosi yira yikwenera kuwa thupi. Ndipo pambere iyi yindaŵe thupi, iyi yikwenera kuwa yamoyo. Pambere iyi yindalenge panji—panji kumera na kupanga viduswa vinyake vinandi, iyi yikwenera kuwa umoyo. Mbunenesko uwo? [Gulu likuti, “Amen.”—Munozgi.] Sono, kasi kansa yira yikafumirankhu? Ndinjani, kasi yira yikafumirankhu? Iyi yikawa pa imwe yayi apa nyengo yinyake kale, kweni sono panyake iyi yiri pa imwe. Kasi iyi yikafumirankhu? Ndi umoyo unyake wakulekana na umoyo winu, kukhalanga mwa imwe. Ndipo iyi yikutombozga,

kumwa umoyo winu. Ndicho chifukwa Yesu wakamuchema iyo “chiwanda.”

⁶⁹ Iwo wakuchema chizilisi muhanyauno, iwo wakuti, “chizilisi.” Chifukwa, chizilisi, mu Baibolo, Yesu wakachema ichi “chiwanda.” Para munthu wakiza na mnyamata uyo wakawa pasi, ndipo wakafuma mphovu ku mlomo, na chirichose, iyo wakati, “Iyo wali na chiwanda, ndipo nyengo zinandi chikumuponya iyo mu moto, mu maji.”

⁷⁰ Sono iwo wakapolisha zina lake ndipo wakachema ichi chizilisi, kwani iyo ndi chiwanda. Ndipo Yesu wakati, “Iwe chiwanda, fumamo mu mwana!” Ndendende. Sono, chizilisi nyengo zinandi chikuyamba kufuma ku suzgo la ziso. Panyake tifikengeko ku icho nyengo yinyake kunthazi. Mukuwona? Chikuyambiska chizilisi, kufuma ku kunangika kwa ndopa.

⁷¹ Sono, wonani mu ichi, nthaura chiduswa chira chikukhala apo, ntchiwanda. Icho chikupanga umoyo; icho chikukura, kuzgokanga mukuru na mukuru. Icho chili na ntchito yimoza yakuti chichite, ndiko kuti, kutora umoyo winu. Ndicho devulu wakachitumira icho, kuti chidumure mazuwa ghinu gha matwente ghatatu na khumi.

⁷² Sono, ine nkhopereka ntchindi kwa dokotala waliyose. Enya, bwana. Sayansi yose ya vyamankhwala, Chiuta wawatumbike iwo pa wowwiri uwo iwo wakuchitira wanthu. Ndi unenesko. Kasi imwe nthena mwanguchitachi mu charu muhanyauno kwambula ichi? Ine nkhumuwonga Chiuta chifukwa cha sayansi ya mankhwala. Ine nkhumuwonga Chiuta chifukwa cha galimoto yane. Usange Chiuta wakazomerezgege yayi kuti sayansi yindipangire galimoto ine, ine nthena nanguwa nyengo yinonono kwendanga kwiza kuno. Chifukwa cha nyali za magesi, na chifukwa cha sopo kuti nigezere mawoko ghane, na munkhwala wa mino kuti nichapire mino ghane, nadi. Ine nkhumuwonga Iyo pa chirichose, chifukwa vinthu vyose viweme vikufuma kwa Chiuta.

⁷³ Kwani rekani ine nimuphalireni imwe, kulije mtundu umoza wa mankhwala uwo ukachizgapo urwari uliwose. Ndipo kulije dokotala yumoza, kulije pekhapekha iyo ndi munyake wafeki, kwani dokotala mweneko wamuphalireninge imwe kuti iwo wakuyowoya kuti iwo mbachiriski yayi. Nkhanira pa Mayo Brothers, wanandi wa imwe... Ine ndiri kufumbikapo kula, kawiri panji katatu. Za warwari awo wakwiza kufuma kula, wambula kuchizgika... Imwe mukaŵazga *Reader's Digest*, nkhanu ya mu Novembara? Kasi mbalinga wakaŵazga nkhanu ya mu Novembara, nkhanu yane yiri mwenemula, pa *Reader's Digest*? Mukuwona? Ndipo iwo wakanicheska kunena kula, kunifumba za mwana uyo iwo wakatondeka. Wakati, “Ichi chingachitika yayi.” Kwani Mzimu Mutuwa wakayowoya kwa ine ndipo wakaniphallira ine umo ichi chingachitikira, ndipo

ichi chikachitika. Viri makora. Sono, iwo wakanichema kunena kula. Ndipo nkhanira pachanya pa muryango uko Jimmy na iwo, uko Mayo wakaŵa kale, pali chimanyikwirowo chikuru chomene chikati, “Ise tikuyowoya kuti ndise wachiriski yayi. Ise tikuyowoya waka kuti tikovwira waka chilengedwe. Kuli Muchiriski yumoza, uyo ndi Chiuta.” Iwo ni nkhwanthwa chomene mu charu. Sono, ise tiri nawo wafeki wachoko, enya. Uwo mbunenesko. Ise tiri nawo wapharazgi wanyake wafeki, nawoso. Viri makora. Ntheura, icho chiriko ku vigaŵa vyose viwiri.

⁷⁴ Wonani, kweni munthu waliyose uyo wakujiyowoya kuti ndi muchiriski, iyo ndi wakuyowoya nkhanu, chifukwa iyo wangachita yayi ichi. Pakuti Baibolo likati, “Ine ndine Yehova Uyo wakugwokera zakwananga zinu zose ndipo nkhwuchizga matenda ghinu ghose.”

⁷⁵ Ine ndiri kuwazgapo chomeniko. Ndipo mu chipinda chane, a...ghanyake gha madokotala ghaweme chomene mu vyaru wafika. Iwe ukumanya yayi kuseri kwa umoyo, mubwezi, kuti umanye icho chikaŵako, na vinthu ivyo ine nkhwuyowoya yayi pa gulu. Wanthu wakwiza mwachisisi. Ndipo kasi imwe mukughanaghana kuti wachalimo yayi wa Nikodemo wanandi chomene mu charu; nadi ichi chiriko, masauzandi gha iwo. Iwo wakulaŵiska pa icho ndipo wakwiza mu ungano. Wakukhala uko wavwara T-shati, chinthu chinyake ngati icho, na mazina ghaweme kuti imwe mungazizwa, wakukhala nkhanira mu ungano. Mu mazuŵa ghachoko iwo wakusoŵapo ndipo wakwiza mwachisisi, ndipo wakutuma munyake kuti ndikumane nayo. Ndipo wakuyowoya sono nthena, wakuti, “M’bale Branham, ine nkhwugomezga Uwo ndi Unenesko.” Iwo ndi wanthu kuyana naumo ise tiliri. Nadi. Ndipo munthu waliyose wakunwekera kulaŵiska kujumpha chidiko chifipa chira icho iyo wakwenera kuti wazakaporote dazi linyake.

⁷⁶ Kweni makansa ghara na vinthu ivi ndi viwanda mwakufikapo vikukhala mu thupi la munofu, kukuranga, kutoranga umoyo winu.

⁷⁷ Sono, usange ningachita ngati dokotala, usange ine ningadumurapo ichi, kuwika ichi pasi...Panji, kuyana waka, kuti, mwakuyezgerera, iwe ukaŵa kansa, wamwene, pacharu chapasi ichi. Sono, apa pali machirisko Ghauzimu. Usange ine nkhwakumbenge kukukoma iwe mu nthowa ya kachitiro ka dokotala, ine mbwenu nisungenge waka...nkhwenera kukwecha thupi linu, panji chinthu chinyake, mpaka lose ili limare petu pa charu chapasi. Pawenge kalikose yayi ka ili, kuyana waka naumo dokotala wakufumiskirapo chakutupa pa imwe. Kweni mu kawonekero ka machirisko Ghauzimu, usange iwe ukaŵa kansa, ine nichemenge waka umoyo wako kufumamo mwa iwe, ndipo iwe ufwege. Umoyo wako ukusidenge iwe, kweni thupi lako liwenge apa kuyana naumo likawira.

⁷⁸ Sono, uko ndiko kulaŵiska na nyengo ndi murwani muheni chomene wa Chiuta mu machirisko Ghauzimu. Ine nkhumanya yayi kwali M'bale Baxter wakachita vinthu ivi mu ungano. Ine nkhekhalala pasi, nkharongosora ichi kwa iyo na M'bale Bosworth, mwakuwerezga na kuwerezga. Kweni apa pali icho chikachitika. Ine nkhekayika usange ŵanthu ŵanandi ŵakupulikiska ichi, chifukwa, para pajumpha kanyengo, iwe ukuyamba kuwona ŵanthu ŵakuyamba kuwerezga, ŵakuti, "Ine nkhekakera machirisko ghane, M'bale Branham, mazuŵa ghaŵiri panji ghatatu, kweni, watumbikike Chiuta, ichi—ichi chikandileka ine." Ndipo ine nkhekuchisanga ichi, ndipo ine nkhekughanaghana kuti ndi chifukwa chakuti iwo ŵakupanga makora yayi ungano. Ŵanthu ŵakupulikiska yayi. Ine ndiri kuŵapo nawo ŵanthu ŵakiza ku gome ndipo ŵachiburumutira mwakukwana, makansa, panji sanga kujara maso ghawo, ndipo ŵakaŵazga Baibolo ili pamanyuma pakuti iwo ŵakati ŵarombereka, ŵakwenda ŵakukhira; mu mazuŵa ghatatu panji ghanayi kuŵaso ŵachiburumutira umo iwo ŵakaŵira pakudanga. Chikachitika ntchichi? Waliyose wakumanya kuti para umoyo wafumamo mu thupi linyake, ili likuphapa pa kanyengo. Ndi unenesko uwo?

⁷⁹ Kasi walimo munyake, muno, wali kukomapo nyiska, panji ng'ombe, panji chinyake ngati icho? Nadi. Viri makora. Imwe mukuyipima iyi usiku uwu, imwe viŵinda kuwaro uku, ŵabwezi ŵa ine. Imwe mukome nyiska ndipo muyiponye iyo pa sikelo, muŵaphalire ŵanyamata uzitu wake. Laŵisiskani! Namlenji iyi yizamkuŵa yakupepuka mapaundi ghanandi kuruska umo iyi yikaŵira. Para munthu wafwa, wakunozga mathupi, chinthu chakudanga, wakufumiskamo mino ghafeki panji jiso, chirichose icho chiri mwenemula, wakufumiskamo ichi; chifukwa, ili likuphapa, ili litalikirengepo chifukwa thupi la munthu likuphapa. Munofu unyake uliwose ukuphapa. Para umoyo wafumamo mu chiduswa, ili likuyamba kuchepa, likuphapa. Ili lichitenge icho pafupifupi pa maora sevente-thu. Ndipo pamanyuma ili liyambenge kutupa. Rekani kantcheŵe kachoko kagandike, kuwaro uku pa msewu. Rekani iko kagone penepapo pafupifupi madazi ghatatu, ndipo muwone icho chikuchitika. Iyo ndi ntcheŵe yikuru kuruska umo yikaŵira kale. Iyi yikutupa. Ndi unenesko uwo? [Gulu likuti, "Amen."—Munozgi.]

⁸⁰ Enya, icho ndi chinthu chenechira chikuchitika para a—demon wafumiskika mu munthu murwari. Mazuŵa ghachoko ghakudanga, "O, ine nkhekupulika makora." Pamanyuma mukwamba kuyowoya, "Ine ndiri—ine ndiri murwari kuruska umo ine—kuruska umo ine nkhaŵira. Ine nataya machirisko ghane." Mwakufikapo waka umo chipulikano chikafumiskirapo ichi, kuwura kugomezga kukuwezgerapo ichi kamosaso. Apo chipulikano chikukoma ichi, kuwura kugomezga kukuchiŵuska

ichi. Yesu wakati, “Para mzimu uheni wafumamo mwa munthu, iyo wakwenda mu malo ghomizo ndipo wakuwerako wali na viwanda vinyake seveni.” Ndipo usange munthu muweme wa nyumba walipo yayi apo kuti wavikilire muryango ula, iyo mwaluwiro wanjirenge. Ndipo munthu muweme wa nyumba yinu ndi chipulikano chinu. Mukuti, “Khala kuwaro!” Ndimoviliri.

⁸¹ Kweni sono muwoneni murwari uyo wachizgika, kwambula mankhwala, pekhapekha kuti ndi munthondwe wapadera. Cheneicho, machirisko Ghauzimu na munthondwe ndi vinthu viwiri vyakulekana. Machirisko Ghauzimu, ntchinthu chimoza; munthondwe ntchinthu chinyake. Kweni kuchizgika kwambula mankhwala kwa machirisko Ghauzimu, para mzimu uheni wafumiskika, kansa devulu, para uyu wakufumamo mwa munthu, “O!” Sono, panji tiyowoye kuti ise titorenge chinyake mwakuti imwe muchiwone makora, ine ndiyowoye, sanga. Ntchichi chikachitika para munthu yura... Usange imwe mungawona munthu wachiburumutira. Ine nkhumanya kwali ine ndiri kuwapo nayo kuno panji yayi, kufika kulero, wa maso gha sanga. Ine ndiwapemphe iwo kuti wayimilire pa maminithi ghachoko. Chifukwa? Ntheura kuphapa kula kukwamba kuchitika. Muwaphalire iwo kuti wafikese, wapereke ukaboni wawo. “O, mwe!” Iwo wakulaŵiska makora waka. “O, mwe! Mbweni, ine nkhumanya kuwona vinthu! Enya! Ine...” Chachitika ndi vichi? Umoyo wafumamo; thupi la sanga likuphapa. Enya, ili lichitenge mwantheura umo pa mazuwa ghaŵiri. Mukuti, “O, ine nkhopulika makora chomene.”

⁸² Ndipo para pajumpha kanyengo, iwo wakuyamba kupulika kuwinya kwa mutu, wakupulika makora yayi. Wakuwuka namachero mlenji unyake, “Ine nkhutondeka kulaŵiska kamozaso.”

⁸³ Wanyake wa iwo wakati, “U-nhu, iwe ukajijirika waka. Gulu lira la watuwa wakukunkhuluka likakupangiska iwe kujijirika.” Kugomezga yayi icho! Ilo ndi boza la devulu. Usange iwe ukugomezga icho, iwe uwerengeso ku uchiburumutira.

Kweni usange imwe mukoreskenge waka, kuti, “Yayi. Fumu, ine nkhubomezga.”

⁸⁴ Pamanyuma ntchichi chikuchitika? Thupi lira likutupa kwa nyengo yitali. Ili likubenekerera kulaŵiska kula kamozaso. Kansa yira mu thupi yitupenge. Iwe upulikenge kupweteka na kuwinya kamozaso. Pamanyuma iwe urwange chomene, kurwara kwakofya. Chifukwa? Chakutupa chikuru chira cha munofu wakufwa mwa iwe chiri mwenemula, chakufwa.

⁸⁵ Imwe mukuwererako, dokotala ndipo wakuti, “O, uko ndi kupusa. Kansa yiri nkhanira penepapo. Ine nkhuwiyona iyi.” Nadi, iyi yiripo apo, kweni njakufwa. Haleluya!

⁸⁶ Sono, kuyenda kwa ndopa kukwenera kuti kuchape thupi. Nyengo yiriyose para mtima ukupopa, uwu ukuponya ndopa kuzingilira thupi lose, ndipo zikutora nthenda yira. Nadi, iyi yimupanganinge imwe kurwara. Uli usange imwe mukaŵa na chiduswa cha nyama kulenderanga mwa imwe pamalo ghanyake, panji chitali ngati njoka, panji chinyake chikuru ngati munwe winu chamuzingirizgani, ndipo chikulendera mwenemula, ndipo ichi chikaŵa chakufwa, nyama yakufwa yira kulenderanga mwa imwe, ndipo ichi chikuvunda? Enya, nkhumanya, kuyenda kwa ndopa zinu kukwenera kuti kuchape icho, apo izi zikuyenderera. Kweni muli thupi lakufwa, chinthu chalendera mwenemula, chifukwa umoyo wafumamo mu ichi. Nkhongono ya Chiuta, kwizira mu chipulikano, yikachichimbizga ichi. Iyo ndi demon; iyo wakwenera kuti wafumepo.

⁸⁷ Kweni, chifukwa, ŵanthu ŵandasambizgike. Iwo ŵakuruta, ŵakugongowa. Ndipo devulu mweneyura wayimilira nkhanira apo, kuti watoreso malo. Para Chiuta wamuphalirani chinyake imwe pa gome ili, kwizira mu Mzimu Wake, wali pasi pa ukhuŵirizgi, kukayika yayi icho, panji chinthu chiheni chomene chifikenge pa imwe, Iyo wakayowoya. Pakuti Yesu wakati, “Kaŵiro kaumaliro ka munthu yura kakaŵa kaheni chomene kukwana seveni kuruska umo kakaŵira pakudanga.” Ndi unenesko uwo? Para mzimu uheni ukati wafumamo mwa munthu, iyo wakwenda mu malo ghomizo, wakawerako wali na viŵanda vinyake seveni. Ntheura, kukayika yayi. Khalani nkhanira na Ichi. Simikizgani ichi, kufuma mu mtima winu. Yowoyani, “Yayi, bwana! Ine ndisunthenge yayi! Kwali ine nirware uli, ichi chirije kanthu kakuchita na ichi.” Pamanyuma, chinthu chakudanga imwe mukumanya, imwe muyambenge kupulika makora. Chirichose chiŵenge makora pamanyuma. Wonani, ichi chafwa. O—opereshoni iyo dokotala wakati wachitenge pa imwe, chakutupa chenechira chiri mwa imwe, chambula umoyo mwa ichi.

⁸⁸ Iwe ukuti, “Umoyo mu ichi, M’bale Branham, kasi ichi chitorenge umoyo wane?” Yayi, bwana. Umoyo ula ndi umoyo unyake wakulekana na umoyo winu. Ine namuwoneskani waka imwe kuti ndimwe umoyo ndipo mukuzgoka kuŵa munthu, ndipo ichi ndi umoyo ndipo chikuzgoka kuŵa chamoyo; ndipo imwe ndimwe ŵa kwa Chiuta, ndipo uwu ngwa kwa devulu. Imwe mukuwona icho ine nkhung’anamura? Kusambira za mizimu yiheni. Sono, imwe mukwenera kuti muwone kasi chinthu chira chikukozgana na vichi para mwayimilira na kuchilaŵiska ichi.

⁸⁹ O, mwe, phepani, yiri pafupifupi firi-sate. Phepani. Wonani, ŵabwezi. O, icho charu ichi chikusoŵeka!

⁹⁰ Ine nakhala pafupifupi virimika seveni, kupharazganga mu America, kuŵa na visopo ivi vya machirisko. Ine ndiri waka na kukhumba kuweme kuti niyambireso kwenda mu charu,

kuwasambizganga Baibolo, na pa kusambiranga za mizimu yiheni, umo wanthu wangapulikiskira chakuti wachite. Ndipo ndicho chifukwa, iwo wakuruta ku maungano agha, nyengo zinandi chomene, ndipo, munyake. . . Usange iwe ukupulikiska yayi, wanthu wakufumapo, ndipo nyengo zinandi. . .

Sono, mukukumbukira munthu yura uyo wakiza ndipo wakati wakaŵa na chawanangwa cha machirisko Ghauzimu? Chawanangwa cha machirisko Ghauzimu chikaŵa mwa imwe usange imwe mukachira. Ndi imwe, mwaŵene. Chawanangwa chirichose chikuchitika mwa chipulikano. Ndipo palije kanthu kwali ine ndiri na chawanangwa chikuru uli Chauzimu, ine nkhuomezga ichi na mtima wane wose, kweni imwe mungamanya kuyimilira apa ndipo, usange imwe mulije chipulikano cha mtundu weneula, ichi chikumuchitirani uweme yayi imwe. Ine ningamanya kumuromberani imwe, pa maora na masabata na myezi. Ndi wapharazgi yayi wali na machirisko Ghauzimu. Ndiwe uli na chawanangwa cha machirisko Ghauzimu, kuti ukugomezga mu kuchizgika, chifukwa ichi ndi mwa chipulikano. Na chipulikano! Chakuchitika chirichose cha Chiuta ndi mwa chipulikano.

⁹¹ Mahomwa ghose gha Chiuta ndi mwa chipulikano. Ise tirije chinthu chachilengedwe cha charu ichi. Chirichose cha a—mpingo wa Chikhristu ndi mlimo wa chipulikano. Laŵiskani mahomwa gha Chiuta, chitemwa, chimwemwe, mtende, kaŵiro kakuzizipizga, uweme, kuzika, kujikora, kuzizipizga viphyo. Ndi unenesko uwo? Chirichose ntchauzimu, kulije cha kuthupi. Ntheura ise tikulaŵiska vinthu mwa kuthupi yayi, chifukwa ise tikuyendera vyauzimu. Ndipo nthowa yimoza pera ise tingapangira ichi, ndi chipulikano, ndi pa icho Chiuta wakayowoya kuti ukaŵa Unenesko, ndipo ise tikulaŵiska pa chambula Kuwoneka. Ndipo ise tikuchema vinthu ivyo kulije, ngati kuti vikaŵapo; ngati ndiumo Abraham wakachitira, ndipo wakapokera ichi. Amen! Abraham wakachema vinthu vira ivyo vikaŵapo yayi, ngati ndiumo Chiuta wakachitira, ngati kuti vikaŵapo. Pakuŵa wa virimika handiredi vyakubabika, wakagwedezgeka yayi pa phangano la Chiuta kwizira mu kuwura kugomezga.

⁹² Ine ningalingalira waka icho, mungachita yayi imwe? Muwoneni Sara wakawuka mlenji umoza. Chiuta wakati, “Abraham!” Wakati, “Abraham, iwe uŵenge na mwana.”

⁹³ Sara wakawuka. Wakuti, “Kasi ukujipulika uli, Sara?” Ili ndi gulu lakusazgikana, kweni tegherezgani.

“Palije mphambano.”

⁹⁴ “Enya, uchindami kwa Chiuta, ise tiŵenge nayo uyu! Ruta ukatore chakuluka na maphini, na chirichose. Nozgeka.”

Viri makora, mwezi unyake ukajumpha. “Sara, kasi ukujipulika uli?”

“Palije mphambano.”

Chirimika chikajumpha. “Sara, viri uli?”

“Palije mphambano.”

Virimika khumi vikajumpha. “Palije mphambano.”

Virimika twente-fayivi vikajumpha. “Palije mphambano.”

⁹⁵ Abraham, m'malo mwakuwa wakulopwa, iyo waka wa wankhongono na wankhongono. Iyo wakamanya kuti chiwenge chakuruska munthondwe nyengo yose, chifukwa iyo wakagomezga Chiuta, ndipo iyo wakagwedezgeka yayi pa phangano la Chiuta kwizira mu kuwura kugomezga. Iyo wakati, “Ise tiwenge nayo uyu!” Ndipo mlenji umoza nthumbo ya Sara yikayamba kukura, ndipo Isaac muchoko wakababika, chifukwa Abraham wakagomezga Chiuta. Ndipo iyo wakavilawiska vinthu, ndipo wakatora vinthu vira ivyo vika wapo yayi ngati kuti vika wapo.

⁹⁶ Na vya kujipulika yayi, na vya kuvilawiska yayi. Imwe mukwendera vyakujipulika yayi panji vyakulawiska yayi. Ndi mwa chipulikano. Ndipo para Chiuta wayowoya chinyake, wakati, “Vinthu virivyose imwe mukupempha, para imwe mwaromba, gomezgani imwe mwapokera ichi,” ntheura koreskani ku ichi. Chiuta wakayowoya ntheura, ichi chikwenera kuwa ntheura! Amen. Mademone!

Chipulikano mu Wadada, chipulikano mu
Mwana,
Chipulikano mu Mzimu Mutuwa, watatu mu
Yumoza;
Mademone ghanjenjemenge ndipo
wakwananga wamanjenje;
Chipulikano mu Yehova chinyake
chigwedezgekenge.

Uwo mbunenesko. O, mwe! Nadi ichi chiriko. Muwe na chipulikano mwa Chiuta. Lawiskani kwa Iyo. Kusezgeka yayi. Khalani nkhanira penepapo. Chiuta wakayowoya ntheura!

⁹⁷ Ndipo, mademone, kasi ndi vivichi? Ndi vyamoyo vyauzimu. Sono, a—dokotala wakuti, “Iwe uli na kansa. Iwe uli na TB. Iwe uli na sanga. Iwe uli na mankhanana ku maphapu. Iwe uli na *ichi*.” Ichi ntchiwanda. Uwu ndi umoyo, ndipo kuseri kwa umoyo ula kuli mzimu. Kasi ndimwe walinga mukumanya ndipo mukuyiwona kansa yira, sanga, iyi yiri na—iyi yiri na. . . Iyi ndi mzimu, yiri—yiri na umoyo mu iyi. Enya, kuli chinthu chinga wa na umoyo kwambula kuwa na mzimu, imwe wonani, ntheura pakwenera kuti pa we umoyo kuti uyendeske icho, kumalo kunyake.

⁹⁸ Nanga ndi khuni lira uko liri na umoyo mu ili. Sayansi yose mu charu yingapanga yayi hamba limoza la utheka. Kasi imwe mukamanyanga icho? Iwo wakupanga chinyake chakuwoneka

ngati ichi, kweni iwo wangayisanga yayi ndondomeko ya umoyo. Uyo ndi Chiuta. Mukuwona? Yesu wakayowoya ku khuni, “Utembeke iwe. Iwe ulije chipaso chirichose, ndipo iwe uzamkuwapo nacho yayi chirichose.” Iwo wakajumph kufupi kwenekula. Yikaw pafupifupi eyite koloko mlenji ula. Wakajumph kula chamudera mu eleveni koloko, apo iwo wakarutanga kuyakarya. Petros wakati, “Wonani khuni lira, ili lafwa kufuma ku misisi kufika kuchanya.” Chifukwa? Yesu wakachenya umoyo uwo ukaw mu khuni lira, uwo ukaw mu misisi, ndipo chinthu chose chikafwa. Haleluya!

⁹⁹ Khristu mweneyura wangachenya kansa kufuma ku misisi, ndipo chinthu chose chifwenge. Khuni lira likayimilira kula mwakuyana waka umo likawira, maora ghakumanyuma, kweni imwe mukusanga kuti mahamba ghakwamba kumbotoka, ndipo pamanyuma wakuwona chikwa chikwamba kugagaukako. Ndipo a...Chikwamba kuvunda, dazi pamanyuma pa dazi, ndipo sabata pamanyuma pa sabata, ndipo pakati pajumph kanyengo pakawvaye nanga ndi chisinkha cha khuni lira chikakhalako. Haleluya! Kansa, chakutupa, sanga, panji chinyake chirichose, chikwenera kuti chifumepo para Khristu wayowoya. Iyo wakafumiska viwanda. Ndipo Iyo wakati, “Mu Zina Lane iwo wazamufumiska viwanda, wazamuyowoya na malilime ghaphya, wazamukora njoka, panji kumwa vinthu vyakukoma, ichi chizamuwapweteka yayi iwo. Usange iwo wwika mawoko ghawo pa warwari, iwo wachirenge.”

¹⁰⁰ Imwe mukumutemwa Iyo? Ine nkhuphepeska kuti namusungani muno kukwana ora kumuhanya uku, kukhala muno. Imwe mukuyitemwa Fumu? [Gulu likuti, “Amen.”—Munozgi.] Kasi chichitikenge ntchichi sono? Usange imwe mwamuzomera Khristu ngati muchiriski winu, na kugomezga mu mtima winu kuti chinyake chachitika kwa imwe, ndipo imwe mukugomezga kuti imwe mwachira, kasi imwe mugomezgenge kuti mwachira? Kumuzomerezga yayi devulu wabatike chinyake pa imwe. Rutirirani waka.

“Dokotala,” mukuti—mukuti, “dokotala, kasi ichi chikuwoneka uli?”

Iyo wakati, “Chifukwa, ichi chichalipo apo.”

¹⁰¹ Mu mtima winu imwe mukumanya, imwe mukumanya icho chikachitika. Hu! Chinthu chakudanga imwe mukumanya, mukuti, “Mukuyowoya, nkhuzizwa icho chikachitika ku chinthu chira?”

¹⁰² Pamanyuma mukuti, “Wonani, dokotala, ine ndimuphalireninge imwe. Apa pali icho chikachitika, Yesu Khristu wakanichizga ine. Uwo mbunenesko. Yesu Khristu wakanichizga ine.”

¹⁰³ Viri makora, tiyeni tisindamiske mitu yithu kanyengo waka. M’bale Willett, uli iwe wize kuno miniti pera, m’bale?

¹⁰⁴ Sono, Wadada Wākuchanya, ise ndise wakuwonga chifukwa cha Ndopa za Khristu. Ndipo panyake nyengo zinyake kuti muteweti Winu, Fumu, wakugwiriska ntchito vinjeru yayi, pa kuyowoya nyengo yitali yantheura. Kweni panyake ine ningajitora ngati Paulos, uyo wakapharazga usiku wose usiku umoza. Munthu mwanichi wakawa kufuma pa windo ndipo wakafwa. Ndipo mupostoli yura, na Mazgu gha Chiuta mu umoyo wake, wakaruta ndipo wakagoneka thupi lake pa mnyamata, umoyo ukafika mwa iyo ndipo iyo wakakhala wamoyo kamozaso.


¹⁰⁵ Chiuta wakutemweka, ine nkhuwona kuti kunjira kwa zuwa kwa chitukuko chikuru ichi sono chikumara, ulendo ukuru wachitika, muhanya pakati wajumpha, mizgeze yakumise yikumara. Kuwara kukuru kukuwoneka kufuma ku Ufumu wa Chiuta, kuti kutore malo ghake gha mdima ukuru uwu uwo ukwiza pa charu chapasi. Chiuta, ine nkhuwona kuti nkhucekura dazi lililose. Nizomerezgeni ine ndirute, Fumu. Mundipe nkhongono. Mundivwire ine kuti niyowoye Unesko ukuru uwu kulikose. Tivwireni ise, namachero kumuhanya, kuti ise tizakapulikiske vinandi.

¹⁰⁶ Ndipo, Chiuta wakutemweka, tumbikani gulu lichoko ili kumuhanya uku. Usiku uwu, para iwo wakuwungana ku chisopo cha machirisko, mphanyi mwanarumi waliyose na mwanakazi waliyose wafike kwa yumoza na munyake na kuyamba kuyowoyeskana, na kuyowoyanga, “Sono, apa pali . . . tilije—tilije nkhayiko yiriyose. Ise tapulikiska uko ichi chikufumira sono. Ise tamanya ichi ntchiwanda. Ndipo ise tamanya para ichi chikufumamo, ichi chikwenera kufuma pa kulangura kwa Chiuta. Iyo wakwenera kuchita. Chiuta wali kuyowoya nthura. Iyo wakwenera kuti wafume.” Pamanyuma, mphanyi iwo warute kuwaro, wakukondwa, wakusekerera, kupokeranga machirisko ghawo. Pawavye, pavavye chinyake chiyimilire mu nthowa yawo, munthowa yiriyose; warute waka, kugomezganga.

¹⁰⁷ Ndipo, Chiuta, mphanyi mpingo uchoko uwu kuno, na mipingo iyi yakukoleranako, yiwe na chisisimuso pamanyuma pa ungoro uwu, Fumu, uwo uzamkuchitora ichi, ndipo mahandiredi ghanandi gha mauzima wanjirenge mu Ufumu wa Chiuta. Perekani ichi, Wadada. Mphanyi wanarumi na wanakazi kuno, kufuma ku vyaru vya kusirya na malo ghanyake, mphanyi iwo watore Uthenga kuruta nawo ku mipingo yawo, ndipo mphanyi iwo wakaŵe na chisisimuso cha kachitiro kakale. Perekani ichi, Fumu. Mutigowokere ise ku zakwananga zithu sono. Mutivwire ise kuti tiwe wateweti Winu. Mu Zina la Yesu Khristu. Amen.

¹⁰⁸ Ine nkhumanya yayi, apo imwe muli chikhalire muno, kasi walimo wakwananga mu nyumba muhanyauno, wangamanya

kuyowoya, “M’bale Branham, mundikumbukire ine mu lurombo”? Muchitenge imwe, kasi imwe mukwezgenge woko linu? Kasi walipo munthu wakwananga? Ine nthā... Chiuta wakitumbike iwe, dona. Kasi walipo? Chiuta wakitumbike iwe, bwana. Iwe, na iwe, na iwe, Chiuta wakitumbike iwe. Ine nkhumanya yayi usange imwe... Sono, ichi chiri kwa imwe.

¹⁰⁹ Wonani, ine nkugomezga yayi mu kurutanga mu gulu. Ine nkhuŵasuska yayi ŵanyake awo ŵakuchita ichi. Ine nkugomezga yayi mu kurutanga mu gulu na kuyezganga kuguza munyake. Mukuwona? “Kulije munthu wangiza, pekhapekha Ŵadada Awo ŵakamuchema iyo.” Mukuwona? Uwo mbunenesko. Imwe mukumuguzira waka kula iyo kususkana na kukhumba kwake. Mukuwona? Kweni usange Chiuta wakukhung’uska pa mtima winu, imwe ndimwe munthu wamwaŵi chomene mu charu. Imwe mukumanya waka yayi kasi ndi ŵanthu ŵalinga ine ndiri kuŵayowoyeska. 

KUSAMBIRA ZA MIZIMU YIHENI — CHIGAŴA CHAKUTHUPI CTK53-0608A
(Demonology – Physical Realm)

MNDANDANDA WA KUSAMBIRA ZA MIZIMU YIHENI

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Mande kumise, Juni 8, 1953, pa Roberts Park Amphitheater mu Connersville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2019 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org